



詩紀目錄

北朝

魏一百〇卷

孝文帝

縣瓠方丈竹堂饗侍臣聯句

節閔帝

詩一首

聯句詩

彭城王勰

應制賦銅鞮山松

孝莊帝

臨終詩

濟陰王暉業

感遇

中山王熙

絕命詩二首

韓延之

贈中尉李彪

劉昶

斷句

蕭綜

聽鍾鳴

悲落葉

高允

羅敷行

王子喬

答宗欽

十三章

詠貞婦彭城劉氏

八章

宗欽

贈高允

十二章

段承根

贈李寶

七章

詩經
目錄
二
胡叟

示程伯達

王肅

悲平城

祖瑩

悲彭城

常景

讚四君

右司馬相如

右王褒

右嚴君平

右揚雄

鹿念

諷真定公二首

董紹

高平牧馬詩

馮元興

浮萍

北朝

魏二〇卷
之一百九

陽固

刺讒詩

疾倖詩

盧元明

晦日汎舟應詔

李騫

贈親友

温子昇

從駕幸金墉城

春日臨池

詠花蝶

相國清河王挽歌

白鼻騮

結襪子

安定侯曲

燉煌樂

凉州樂歌二首

擣衣

高孝緯

空城雀

王容

大堤女

王德

春詞

周南

晚粧

祖叔辨

千里思

袁曜

釋奠詩

王肅妻謝氏

贈王肅

陳留長公主

代答詩

雜曲歌辭

無名氏

阿那瓌

楊白花

雜歌謠辭

詰汾歌

咸陽王歌

裴公歌

李波小妹歌

趙郡謠

二拔謠

曲堤謠二首

河東謠

洛中童謠二首

後魏宣武孝明時謠

東魏童謠

府君頌

三王歌

袁祖謠

李謚歌

詩紀目錄終

詩紀卷之一百八

北海馮惟訥彙編

北朝魏一

孝文帝

初姓拓拔氏太和二年改姓元氏諱宏獻文帝太子也恭儉仁孝出於天性好讀書才藻富贍加以雄才大略凌竒好士遷都洛陽風移俗易北朝之盛未有過之者也

縣瓠方丈竹堂饗侍臣聯句

北史曰兼中書侍郎鄭道昭從征沔北
方丈竹堂道昭與兄
饗侍坐樂作酒
酣孝文乃作歌

白日光天今無不曜江左一隅獨未照
帝願從聖

明兮登衡會萬國馳誠混內一作外彭城雲雷大

振兮天門闢率土來賓一正歷鄭懿舜舞千戚兮天

下歸文德遠被莫不思鄭道昭皇風一鼓兮九地匝

戴日依天清六合刑巒遵彼汝墳兮昔化貞未若今

日道風明帝文王政教兮暉江沼寧如大化光四

表宋弁

節閔帝諱恭字脩業廣陵惠王羽之子也正始中襲爵位給事中黃門侍郎以元义擅

權託稱瘖病絕言一紀及莊帝崩尔朱世隆等廢元曄奉帝即位改元普泰在位一年高

歡廢帝而立平陽王脩是日秀武帝帝遇弒年三十五

詩一首

朱門久可患紫極非情翫顛覆立可待一年三易

換時運正如此惟有修真觀

聯句詩

帝使薛孝通等相嘲以酒為韻

既逢堯舜君願上萬年壽秀通平生好玄默慚為萬

國首帝

帝曰卿所謂壽豈得徒然便命酌酒仍命更嘲

孝通以忠為韻

聖主臨萬機享世永無窮元豈唯被豐草方亦及

昆蟲通秀朝賢既濟濟野苗又芄芃元君臣體魚水

書軌一華戎帝微臣信慶渥何以答華嵩通秀

彭城王勰魏獻文帝第六子於秀文帝為兄弟

帝時為高肇讒構所殺及子秀

應制賦銅鞮山松

比史曰勰從秀文帝幸代都次于上黨之銅鞮山路傍有大松樹十數株帝賦詩示勰曰吾作詩雖不七步亦不言遠汝可作之比至吾間令就也勰時去帝十步且行且作未至帝所而就

問松林松林經幾冬山川何如昔風雲與古同

秀莊帝諱子攸彭城王勰第三子明帝時封武

城縣公進封長樂王明帝崩大都督秀朱榮謀廢立以帝家有忠顯且兼人望立為帝改元永安後為秀朱兆所弒年二十四廟

號敬宗

臨終詩

伽藍記曰莊帝既誅秀朱榮右僕射秀朱世隆至高都立長廣王曄為主遣穎川王彧朱兆舉兵向京師大軍失利遂執帝還晉陽縊於三級寺帝臨崩作五

言詩曰

權去生道促憂來死路長懷恨出國門含悲入鬼

鄉隧門一時閉幽庭豈復光思鳥吟青松哀風吹

白楊昔來聞死苦何言身自當

濟陰王暉業

景穆帝之曾孫濟陰王小新成之孫也位司空太尉加特進領中書監錄尚書事北齊初降封美陽縣公後為文宣所殺

感遇

北史本傳曰暉業在魏以時運漸謝不復圖全唯事飲啗嘗賦詩曰

昔居王道泰濟濟富羣英今逢世路阻狐兔鬱縱

橫

中山王熙

字子真景穆帝之曾孫中山王英之子累遷光祿勳湘州刺史初熙兄弟

竝為清河王懌所昵及劉騰元義隔絕二宮矯詔殺懌熙乃起兵討之為其長史柳元章

等所執義殺之

絕命詩二首

義實動君子主辱死忠臣何以明是節將解七尺

身

右示寮吏

平生方寸心殷勤屬知己從今一銷化悲傷無極

已

右別知友北史本傳曰熙既藩王加有文學風氣甚高始鎮鄴知友才學之士袁翻李琰之

李神雋王誦兄弟裴敬憲等或餞於河梁賦詩告別及將死復與知故書恨志意不遂時人矜之
韓延之 字顯宗南陽堵陽人仕晉位平西府錄事參軍劉裕招之不屈後奔姚興明帝

詩已

北魏

日

泰常二年入魏為武牢鎮將賜爵魯陽侯一云韓顯宗字茂親

贈中尉李彪

賈生謫長沙董儒詣臨江愧無若人跡忽尋兩賢
蹤追昔渠閣游策駑厠羣龍如何情願奪飄然獨
遠從痛哭去舊國銜淚屈新邦哀哉無援民嗷然
失侶鴻彼蒼不我聞千里告志同

劉昶

字休道宋文帝第九子封晉熙王位中書令廢帝立以為徐州刺史人間言昶有異志帝欲加誅討昶即起兵統內數郡無應者知事不捷乃奔魏甚為彥文所禮重遷使持節都督吳越彭楚諸軍事大將軍鎮徐州卒謚曰明

斷句

南史曰昶兵敗奔魏棄母妻惟攜妾一人騎馬自隨在道慷慨為斷句

白雲滿鄣來黃塵暗天起關山四面絕故鄉幾千里

蕭綜

字世謙梁武帝第二子封豫章王普同四年為都督南兖州刺史鎮彭城奔魏歷司徒太尉尚壽陽公主在魏不得志嘗作聽鍾鳴悲落葉以申其志

聽鍾鳴

歷歷聽鍾鳴當知在帝城西樹隱落月東窻見曉
星霧露朏朏未分明烏啼啞啞已流聲驚客思動

客情客思鬱縱橫翩翩孤鴈何所棲依依別鶴半
夜啼今歲行已暮雨雪向淒淒飛蓬旦夕起楊柳

尚翻低氣鬱結涕滂沱愁思無所託強作聽鍾歌

伽藍記曰洛陽城東建陽里有臺高三丈上作二
精舍有鍾撞之聞五十里太后移在宮內置凝閒
堂初梁豫章王蕭綜聞此鍾
聲遂造聽鍾歌三首行於世

悲落葉

悲落葉聯翩下重疊重疊落且飛從橫去不歸長
枝交蔭昔何密黃鳥關關動相失夕葉雜凝露朝
花翻亂日亂春日起春風春風春日此時同一霜

兩霜猶可當五晨六旦已颯黃乍逐驚風舉高下
任飄颺悲落葉落葉何時還夙昔共根本無復一
相關各隨灰土去高枝難重攀

高允

字伯恭渤海蓆人少好學博通經史神麤
初參樂平王軍事獻文未授懷州刺史太
和二年拜鎮軍大將軍領中秘書事加光祿
大夫歷事五帝出入三省五十餘年初無譴

答

羅敷行

邑中有好女姓秦字羅敷巧笑美回盼鬢髮復凝
膚脚著花文履耳穿明月珠頭作墮馬髻倒枕象

言系
卷之一
牙梳姆姆善趨步襜襜曳長裾王侯爲之顧駟馬
自踟躕

王子喬

王少卿王少卿超升飛龍翔天庭遺儀景雲漢酬
光驚電逝忽若浮騎日月從列星跨騰八廓踰杳
冥尋元氣出天門窮覽有無究道根

答宗欽

十三章 宗欽贈詩見後

高允爲著作郎與崔浩同撰史宗欽贈詩以相規諷允答之云云後崔浩竟坐暴楊國惡與宗欽同被誅允以太子救得免

湯湯流漢藹藹南都載稱多士載耀靈珠邈矣高
族世記丹圖啓基郢城振彩涼區

吾生朗到誕發英風紹熙前緒奕世克隆方圓備
體淑德斯融望傾羣雋響駭華戎

響駭伊何金聲允著匡贊西藩拯厥時務肅志琴
書恬心初素潛思淵渟秀藻雲布

上天降命祚鍾有代協耀紫宸與乾作配仁邁春
陽功隆覆載招延隱叟永貽大賚

伊余櫟散才至庸微遭緣幸會忝與樞機竊名華

省廁足丹墀愧無螢燭少益天暉
明外非諭信漸難兼體卑處下豈日能謙進不弘
道退失淵潛旣慚朱闕亦愧閭閻
史班稱達楊蔡致深負荷典策載蹈於心四轍同
軌覆車相尋敬承嘉誨永佩明箴
遠思古賢內尋諸已仰謝丘明長揖南史遐武雖
存高蹤難擬夙興夕惕豈獲恬止
世之圯矣靈運未通風馬殊隔區域異封有懷西
望路險莫從王澤遠灑九服來同

在昔平吳二陸稱寶今也尅涼吾生獨矯道映儒
林義爲羣表我思與之均於紵縞
仁乏田蘇量非叔度韓生屬降林宗仍顧千載曠
遊遘茲一遇藻詠風流鄙心已悟

年時迅邁物我俱逝任之斯通擁之則滯結駟貽
塵屢空亦敝兩間可守安有回賜
詩以言志志以表丹慨哉刎頸義已中殘雖日不
敏請事金蘭爾其勵之無亡歲寒

詠貞婦彭城劉氏

八章

渤海封卓妻劉氏彭城人成婚一夕卓官於京師以事見法劉氏在家忽形夢想知卓已死哀泣不止經旬凶問果至遂憤歎而終時人比之秦嘉妻云高允念其義高而名不著乃爲之詩曰

兩儀正位人倫肇甄爰制夫婦統業承先雖曰異族氣猶自然生則同室終契黃泉

封生令達卓爲時彥內協黃中外兼三變誰能作配克應其選寔有華宗挺生淑媛

京野勢殊山川乖互乃奉王命載馳在路公務旣弘私義獲著因媒致幣邁止一幕

率我初冠眷彼弱笄形由禮比情以趣諧忻願難常影跡易乖悠悠言邁戚戚長懷

時值險屯橫離塵網伏鑕就刑身分土壤千里雖遐應如影響良嬪洞感發於夢想

仰惟親命俯尋嘉好誰謂會淺義深情到畢志守窮誓不二醮何以驗之殞身是效

人之處世孰不厚生心存於義所重則輕結憤鍾心甘就幽冥永捐堂宇長辭母兄

茫茫中野翳翳孤丘葛藟冥蒙荆棘四周理苟不

言系
卷之一
九
昧神必俱游異哉貞婦曠世靡儔

宗欽

字欽若金城人仕沮渠蒙遜爲中書郎世子洗馬太武平涼州入魏拜著作郎

贈高允

十二章 高允答詩已見

崑峩恒嶺滉漭滄溟山挺其和水耀其精啓茲令族應期誕生華冠衆彥偉邁羣英

於穆吾子含貞藉茂如彼松竹陵霜擢秀味老思冲翫易體復戢翼九臯聲溢宇宙

我皇龍興重離疊映剛德外彰柔明內鏡乾象奄氣坤厚山競風無殊音俗無異徑

經緯曰文著述曰史斟酌九流錯綜幽旨帝用訓詁明發虛擬廣闢四門披延髦士

爾應其求翰飛東觀口吐瓊音手揮霄翰彈毫珠零落紙錦祭墳無凝割典無滯泮

山降則謙舍柔爲信林崇日漸明外

一作升

斯進有

邈夫子兼茲四慎弱而難勝通而不峻

南薰邈矣史功不申固傾佞竇雄穢美新遷以陵腐邕由卓泯時無逸勒路盈摧輪

尹佚謨周孔明述魯抑揚羣致憲章三五昂昂高

生纂我遐武勿謂古今建規易矩

自昔索居沈淪西藩風馬既殊標榜莫緣開通有

運閭遇當年披衿暫固定交一言

諮疑祕省訪滯京都水鏡叔度洗吝田蘇望儀神

婉卽象心虛悟言禮樂採研詩書

履霜悼遷撫節感變嗟我年邁迅踰激電進乏由

賜退非回憲素髮掩玄枯顏落舊

文以會友友由知己詩以明言言以通理盼坎迷

流覲良闇止伊爾虬光肆鱗曲水

段承根

威武姑臧人好學機辯有文思崔浩見而奇之言之魏太武請爲著作郎甚爲

燉煌公李寶所敬待後以崔浩撰史事同被誅

贈李寶

七章

世道衰陵淳風殆緬衢交問鼎路盈訪壘狗競爭

馳天機莫踐不有真宰榛棘誰剪

於皇我后重明襲煥文以息煩武以靜亂剖蚌求

珍搜巖采榦野無投綸朝盈逸翰

自昔涼季林焚淵涸矯矯公子鱗羽靡託靈慧雖

奮袂氛未廓鳳戢崑丘龍潛玄漠

詩已

北魏

上

數不常擾艱極則夷奮翼幽裔翰飛京師珥蟬紫

闡仗節方畿弼我王度庶績緝熙

自余幽淪眷參舊契庶庇餘光優游卒歲忻路未

淹離轡已際顧難分岐載張載繼

聞諸交舊累聖疊曜淳源雖漓民懷余劭思樂哲

人靜以鎮躁藹彼繁音和此清調

詢下曰文辯訐曰明化由禮治政以寬成勉崇仁

教播德簡刑傾首景風遲聞休聲

胡叟

字倫許安定臨涇人以姚氏將衰遂入長安觀風化後入沮渠牧犍不得志乃歸魏

賜爵復始男家於密雲倫許好屬文既善典雅之辭又工鄙俗之句

示程伯達

比史本傳曰叟入沮渠牧犍牧犍遇之不重叟乃為詩示所知廣平程伯達其

悲略曰

羣犬吠新客佞暗排疎賓直途既已塞曲路非所

遵望衛惋祝鮑盼楚悼靈均何用宣憂懷託翰寄

輔仁

王肅

字恭懿琅邪臨沂人仕齊為秘書丞父負及兄弟並為南齊武帝所殺太和中奔魏

弄文虛矜待之累遷尚書令宣武時尚陳留公主後以破齊進位開府儀同三司封昌國

縣侯揚州刺史

王徽 悲平城

悲平城驅馬入雲中陰山常晦雪荒松無罷風

祖瑩

字元珍范陽道人孝文時拜太學博士累遷國子祭酒領給事黃門侍郎孝武登祚封文安縣子天平初進爵為伯

悲彭城

北史曰尚書令王肅於省中詠悲平城詩彭城王勰甚嗟其美欲使更詠乃失語云公可更為誦悲彭城詩肅戲勰云何意呼悲平城為彭城也勰有慙色瑩在座即云悲彭城王公自未見肅云可為誦之瑩應聲為之肅甚嗟賞勰亦大

悅

悲彭城楚歌四面起屍積石梁亭血流睢水裏

常景

字永昌河內溫人聰敏有才思雅好文章孝文用為門下錄事累遷車騎將軍右光祿大夫秘書監明帝幸國子寺詔百官作釋奠詩以景作為美經涉山水悵然懷古乃擬劉琨作扶風歌十五首

讚四君

北史曰景淹滯門下積歲不至顯官以蜀司馬相如王褒嚴君平楊子雲皆有高才而無重位乃託意以讚之

長卿有艷才直致不羣性鬱若春煙舉皎如秋月

映遊梁雖好仁仕漢常稱病清貞非我事窮達委天命

右司馬相如

王子挺秀質逸氣干青雲明珠既絕俗白鵠信驚羣才世苟不合遇否途自分空枉碧雞命徒獻金馬文

右王褒

嚴君情沈靜立志明霜雪味道綜微言端著演妙說才屈羅仲口位結李強舌素尚邁金貞清標陵

玉徽

右嚴君平

蜀江導清流楊子挹餘休含光絕後彥覃思邈前修世輕久不賞玄談物無求當途謝權寵置酒得閒遊

右楊雄

鹿念

字永吉濟陰乘氏人初爲真定公元子直國中尉累拜金紫光祿大夫兼尚書右僕射天平中除梁州刺史爲反者鄭榮業執送關西

諷真定公二首

北史曰念為真定公元子直國中尉恒勸以忠廉之節嘗賦五言詩云云子直少有志聞念欲善其終故以諷焉

嶧山萬丈樹雕鏤作琵琶由此材高遠弦響藹中華

援琴起何調幽蘭與白雪絲管韻未成莫使弦響絕

董紹字興遠新蔡銅陽人起家四門博士累遷洛陽刺史朱天光啓以為行臺從事天光敗賀拔岳復請為開府諮議參軍尋武西遷除御史中丞及周文登祚以議論朝廷賜死

高平牧馬詩

北史曰紹為賀拔岳諮議參軍岳攜紹於高平牧馬紹悲而賦詩曰

走馬山之阿馬渴飲黃河寧謂胡關下復聞楚客

歌

馮元興字子盛東魏郡肥鄉人少有操尚舉秀才後為元義所知引為殿中郎遷侍讀

普泰初為光祿大夫領中書舍人

浮萍

北史曰元興世寒因元義之勢託其交道相為引用義既賜死興亦被廢乃為浮萍詩以自喻

有草生碧池無根綠水上脆弱惡風波危微苦驚浪

詩紀卷之一
魏二

詩紀卷之一百九

北朝 魏二

陽固

字敬安北平無終人太和中從大將軍劉昶府法曹行參軍在軍勇決昶奇之言之
秀文累遷尚書侍御史明帝即位除尚書考功郎中京兆王繼為司徒辟固為從事中郎
解除前軍將軍卒諡曰文

刺讒詩

北史曰宣武末中尉王顯當權固每直言其過以此銜固又有人間之顯因奏固免官遂闔門自守
作刺讒疾倖詩二首

巧佞巧佞讒言興兮營營習習似青蠅兮以白為

言系 卷之二
黑在汝口兮汝非蝮蠱毒何厚兮巧佞巧佞一何
工矣何間何忿言必從矣朋黨噂啗自相同矣浸
潤之譖傾人墉矣成人之美君子貴焉攻人之惡
君子愧焉汝何人斯譖毀日繁予實無罪何騁汝
言番番緝緝讒言側入君子好讒如或弗及天疾
讒說汝其至矣無妄之禍行將及矣泛泛游鳧弗
制弗拘行藏之徒或智或愚維余小子未明茲理
毀與行俱言與釁起我其懲矣我其悔矣豈求人
兮思想在已

疾倖詩

彼諂諛兮人之蠹兮刺促昔粟罔顧耻辱以求媚
兮邪干側入如恐弗及以自容兮志行偏小好習
不道朝挾其車夕承其輿或騎或徒載奔載趨或
言或笑曲事親要正路不由邪徑是蹈不識大猷
不知話言其朋其黨其徒實繁有詭其行有佞其
音蘧蔭戚施邪媚是欽既讒且妬以逞其心是信
是任亂是北史作以多其始不慎末如之何習習
宰嚭營營無極梁丘寡智王鮒淺識伊戾息夫異

世同力江充趙高甘言似直豎刁上官擅生羽翼
乃如之人僭爽其德豈徒喪邦又亦覆國嗟爾中
下其親其昵不謂其非不覺其失好之有年寵之
有日我思古人心焉若疾百凡君子宜其慎矣覆
車其一作鑒近可信矣言既備矣事既至矣反是
不思維塵及矣

盧元明

字幼章范陽涿人涉歷羣書兼有文義永安初兼尚書令尋武登阼遷歷尚書

右丞相轉散騎常侍

晦日汎舟應詔

輕灰吹上管落莫飄下帶遲遲春色華晚晚年光

麗

李騫

字希義趙郡平棘人傳涉經史文藻富瞻位散騎常侍尚書左丞使梁坐事免後除

黃門侍郎

贈親友

北史曰騫為尚書左丞坐免論者以為非罪騫嘗贈親友盧元明魏收詩蓋失

職之志云

幽棲多暇日總駕萃荒坳南瞻帶宮雉北瞻拒哇
瀛流火時將未懸炭漸云輕寒風率已厲秋水寂

無聲層陰蔽長野凍雨暗窮汀侶浴浮還沒孤飛

息且驚三禡俄終歲一丸曾未營閒居同洛渙歸

身欵武城稍旅原思藿坐夢尹勤荆監河愛斗一作

升水蘇子借餘明益州達友趣廷尉辯交情豈若

忻蓬華收志偶沈冥懸炭事見淮南子亦古候氣之法說林懸羽與炭而知燥

濕之氣

温子昇

字鵬舉其先太原人祖避難家於濟陰傳覽百家文章清婉熙平初舉高第擢

御史秀莊卽位補南主客郎中遷散騎常侍侍中大將軍領本州大中正齊文襄引以爲

諮議及元瑾荀濟等作亂文襄疑子昇知其謀下晉陽獄死

從駕幸金墉城

以下詩

茲城實佳麗飛薨自相並膠葛擁行風岌嶷闕流

景御溝屬清洛馳道通丹屏湛淡水成文參差樹

交影長門久已閉離宮一何靜細草綠玉堦高枝

蔭桐井微微夕渚暗肅肅暮風冷神行揚翠旗天

臨肅清警伊臣從下列逢恩信多幸康衢雖已泰

弱力將安騁

春日臨池

光風動春樹丹霞起暮陰嗟峨映連壁飄飄下散

金徒自臨濠渚空復撫鳴琴莫知流水曲誰辯遊

魚心

詠花蝶

素蝶向林飛紅花逐風散花蝶俱不息紅素還相

亂芬芬共襲手葳蕤從可玩不慰行客心遽動離

居歎

相國清河王挽歌

高門詎改轍曲沼尚餘波何言吹樓下翻成薤露

歌

白鼻騮

以下樂府

少年多好事攬轡向西都相逢狹斜路駐馬詣當

壚

結襪子

誰能訪故劍會自逐前魚裁紕終委篋織素空有

餘

安定侯曲

封疆在上地鍾鼓自相和美人當窻舞妖姬掩扇

歌

言終
卷之二
燉煌樂

客從遠方來相隨歌且笑自有燉煌樂不減安陵
調

涼州樂歌二首

遠遊武威郡遙望姑臧城車馬相交錯歌吹日縱
橫
路出玉門開城接龍城坂但事絃歌樂誰道山川
遠

擣衣

詩話
補遺

長安城中秋夜長佳人錦石擣流黃香杵紋砧知
近遠傳聲遞響何淒涼七夕長河爛中秋明月光
蠨螋塞邊絕候鴈鴛鴦樓上望天狼

高孝緯

空城雀

百雉何寥廓四面風雲上紈素久爲塵池臺尚可
仰啾啾雀噪城鬱鬱無歡賞日暮榮心曲橫琴聊
自獎

王容

大堤女

寶髻耀明璫香羅鳴玉珮大堤諸女兒一一皆春
態入花花不見穿柳柳陰碎東風拂面來由來亦
相愛

王德

春詞

春花綺繡色春鳥絃歌聲春風復蕩漾春女亦多
情愛將鶯作友憐傍錦為屏回頭語夫婿莫負艷
陽征

周南

曉粧

青樓誰家女當窻啓明月拂黛雙蛾飛調脂艷桃
發舞罷鸞自羞妝成淚仍滑願託嫦娥影尋郎縱
燕越

祖叔辨

千里思

細君辭漢宇王嬙卽虜衢寂寂人徑阻迢迢天路
殊憂來似懸旆淚下若連珠無因上林鴈但見邊

詩經
卷之二
城蕪

袁曜

北史袁曜字景騰博學有俊才仕魏為車騎將軍清河王懌文學未知是否

釋奠詩

南庠貴齒東學尚親卑躬下問降禮師臣圓冠濟
濟方領恂恂肄業既終舍奠爰始韶音遞奏笙鏞
間起茨夏愔愔晬容亶亶德奢弁慙陳信焉耻

王肅妻謝氏

贈王肅

伽藍記曰洛陽城南正覺寺尚書令王肅所立也肅在江南娶謝氏女及至京

師復尚公主其後謝氏為尼來奔作詩贈肅公主亦代肅贈謝肅聞之甚恨遂造正覺寺以憇之

本為箔上蠶今作機上絲得絡逐勝去頗憶纏綿
時

陳留長公主

代答詩

鍼是貫紳物目中常絰絲得帛縫新去何能衲故
時

雜曲歌辭

無名氏

阿那瓌

北史曰阿那瓌蠕蠕國主也通典曰蠕蠕自拓跋初徙雲中即有種落後魏太武神麤中疆盛盡有匈奴故地阿那瓌孝明帝時蠕蠕國主辭云匈奴主也

來聞有匈奴主雜騎起塵埃列觀長平坂驅馬渭橋

楊白花

梁書曰楊華武都仇池人少有勇力容貌雄偉魏胡太后逼通之華懼及禍乃率其部曲降梁胡太后追思之不能已為作楊白華歌使宮人連臂蹋足歌之聲甚悽惋南史曰楊華本名白花奔梁後名華魏名將大眼之子

陽春二三月楊柳齊作花春風一夜入閨闈楊花飄蕩落南家含情出戶脚無力拾得楊花淚沾臆秋去春還雙燕子願銜楊花入窠裏

雜歌謠辭

無名氏

詰汾歌

北史曰北魏聖武皇帝諱詰汾嘗田於山澤歛見輜輶自天而下既至見美婦人自稱天女受命相偶旦日請還期年復會於此言終而別及碁帝至先田處果見天女以所生男授帝曰此君之子也當世為帝王即始祖神元皇帝也故

時人諺曰

詰汾皇帝無婦家力微皇帝無舅家

神元諱力微

咸陽王歌

北史曰後魏景明中咸陽王禧謀逆伏誅後宮人爲之歌其歌遂流於江表北人之在南者聞弦管奏之莫不灑泣

可憐咸陽王奈何作事誤金牀玉肌不能眠夜踏

霜與露

一作夜起踏霜露

洛水湛湛彌岸長行人那得渡

裴公歌

北史曰裴俠大統中爲河北郡守躬履儉素愛民如子郡舊有漁獵夫三十人以供郡守俠曰以口腹役人吾所不爲也悉罷之又有一丁三十人供郡守役俠

亦不私並收庸爲市官馬歲時旣積馬遂成羣去職之日一無所取民歌之云

肥鮮不食丁庸不取裴公貞惠爲世規矩

李波小妹歌

魏書曰廣平人李波宗族疆盛殘掠不已公私咸患百姓爲之語云云刺史李安世設方略誘波等殺之州內肅然

李波小妹字雍容褰裙逐馬如卷蓬左射右射必

疊雙婦女尚如此男子安可逢

趙郡謠

北史曰後魏李曾秀武時爲趙郡太守令行禁止并州丁零數爲山東害知曾

能得百姓死力不敢入境賊於常山界
得一死鹿賊長謂趙郡地也責之還令
送鹿故處其見憚
如此郡人為之謠

詐作趙郡鹿猶勝常山粟

二拔謠

北史曰永熙二年竇泰破介朱榮神武
入洛介朱仲部下都督張子期自滑臺
歸命神武斬之斛斯椿由是不安乃與
南陽王寶炬等構神武於魏帝故魏帝
心貳於賀拔岳初彥明之時洛下以兩
拔相擊謠言云云好事者以二拔謂拓
拔賀拔言俱
將衰之兆

銅拔打鐵拔元家世將末

曲堤謠二首

北史曰後魏宋世良彥莊時為清河太
守才識閒明尤善政術郡東南有曲堤
成公一姓阻而居之羣盜多萃於此人
為之語云云世良施八條之制盜奔他
境人又
謠云云

寧度東吳會稽不歷成公曲堤

曲堤雖險賊何益但有宋公自屏跡

河東謠

歌元
淑

秦州河中杼柚代春元公至止田疇始理

洛中童謠二首

北史曰余朱彥伯節閔帝時封博陵郡王位侍中及張勸等掩襲余朱世龍神武執彥伯與世隆同斬於閭闔門外懸首於斛斯椿門樹先是洛中謠云云至是竝驗

三月末四月初楊灰簸土覓真珠

頭去項脚根齊驅上樹不須梯

後魏宣武孝明時謠

北史曰孝武帝永熙三年遇醜而崩初宣武孝明間謠云云識者以為索謂魏本索髮焦梨狗子指字文泰泰小字黑獺也

狐非狐貉非貉焦梨狗子齧斷索

東魏童謠

魏紀曰孝武帝既入關渤海王高歡議立清河王子善見以奉明帝之後是為孝靜皇帝遷都於鄴為東魏自是軍國政務皆歸相府先是童謠云云按青雀子謂靜帝實清河王之世子鸚鵡謂齊神武即高歡也後竟為齊所滅

可憐青雀子飛來鄴城裏羽翮垂欲成化作鸚鵡

子

府君頌

北史曰呂顯字子明皇始初拜鉅鹿太守清身奉公百姓頌之

時惟府君克清克明緝我荒土人胥樂生願壽無

言終
卷之二
疆以享長齡

三王歌

後魏書曰濟南王元或與從兄安豐王延明中山王熙齊名時人爲之語曰

三王楚楚盡琳瑯未若濟南備圓方

袁祖謚

北史曰祖瑩與陳郡袁翻齊名秀出時人爲之語曰

京師楚楚袁與祖洛陽翩翩祖與袁

李謚歌

北史曰李謚少好學周覽百氏初師事小學博士孔璠數年後璠還就謚請業

同門生爲之語曰

青成藍藍謝青師何常在明經

詩紀卷之一百九 終

詩紀目錄

北朝

齊一〇卷之
一百一十

邢邵

三日華林園公宴

冬夜酬魏少傅直史

館

冬日傷志篇

七夕

齊韋道遜晚春宴

應詔甘露詩

賀老人星詩

思公子

魏收

讀書可常五月

好學

成年後

言糸
目錄
美女篇二首

永世樂

權歌行

挾琴歌

後園宴樂

喜雨

看柳上鵲

晦日汎舟應詔

月下秋宴

五日

庭栢

蜡節

祖珽

從北征

望海

挽歌

裴讓之

有所思

從北征

公館讌酬南使徐陵

裴訥之

鄴館公讌

蕭祗

香茅

和迴文詩

蕭放

冬夜詠妓

詠竹

劉逖

對雨

秋朝野望

浴温湯泉

清歌發

馬元熙

日晚彈琴

盧詢祖

趙郡王配鄭氏挽詞

盧詢

中婦織流黃

高昂

征行詩

從軍與相州刺史孫

騰行路難

贈弟季式

鄭公超

送庾羽騎抱

楊訓

群公高宴

袁爽

從駕遊山

荀仲舉

京銅雀臺

蕭愨

臨高臺

上之回

飛龍引

奉和濟黃河應教

和崔侍中從駕經山寺

奉和悲秋應令

屏風

奉和元日

奉和初秋西園應教

奉和冬至應教

奉和望山應教

奉和詠龍門桃花

春庭晚望

秋思

聽琴

和司徒鎧曹陽辟疆秋晚

春日曲水

蕭轂

野田黃雀行

陽休之

春日

詠萱草

正月七日登高侍宴

詩紀
目錄
秋詩

顏之推

神仙

古意二首

從周入齊夜度砥柱

和陽納言聽鳴蟬篇

趙儒宗

詠龜詩

陸法和

讖詩二首

馮淑妃

感琵琶絃

盧士深妻崔氏

磧面辭

北朝

齊二〇卷之一百一十一

郊廟歌辭

陸印等奉詔作

大禘園丘及北郊歌辭十三首

肆夏

高明樂

昭夏樂

昭夏樂

皇夏樂

皇夏樂

高明樂

高明樂

武德樂

皇夏樂

高明樂

昭夏樂

皇夏樂

五郊樂歌五首

青帝高明樂

赤帝高明樂

黃帝高明樂

白帝高明樂

黑帝高明樂

祀五帝於明堂樂歌十一首

肆夏樂

高明樂

武德樂

昭夏樂

昭夏樂

皇夏樂

高明樂

高明樂

皇夏樂

高明樂

皇夏樂

享廟樂辭十八首

肆夏樂

高明登歌樂

昭夏樂

昭夏樂

皇夏樂

登歌樂

登歌樂

始基樂恢祚舞

始基樂恢祚舞

始基樂恢祚舞

始基樂恢祚舞

始基樂恢祚舞

武德樂昭烈舞

文德樂宣政舞

文正樂光大舞

皇夏樂

高明樂

皇夏樂

燕射歌辭

元會大饗歌十首

肆夏

皇夏

皇夏

皇夏

皇夏

肆夏

上壽曲

登歌三曲

食舉樂十曲

皇夏

舞曲歌辭

文武舞歌四首

文舞階步辭

文舞辭

武舞階步辭

武舞辭

雜歌謠辭無名氏

勅勒歌

鄭公歌

邯鄲郭公歌

東昏時百姓歌

東魏鄴都謠

東魏武定中童謠

東魏末童謠

北齊文宣謠謠

北齊廢帝時童謠三首

白鳧謠

北齊太上時童謠

北齊後主武平初童謠

武平中童謠二首

後主時謠二首

武平末童謠

北齊末鄴中童謠

蘇宋歌

裴讓之歌

陸叉歌

詩紀目錄終

詩紀

目錄北齊

八

詩紀卷之一百一十

北海馮惟訥彙編

北齊一

邢邵

字子才河間鄭人十歲能屬文日誦萬餘言文章典麗既瞻且速釋褐為魏武挽郎累除國子祭酒齊宣武輔政徵為賓客除黃門侍郎遷太常卿授特進邵率情簡素博覽墳籍公私諮稟為世指南焉

思公子

樂府

綺羅日減帶桃李無顏色思君君未歸歸來豈相

識

詩紀

卷之一 北齊

三日華林園公宴以下詩

迴鑾自樂野弭蓋屬瑤池五丞接光景七友樹風
儀芳春時欲遽覽物惜將移新萍已冒沼餘花尚
滿枝草滋徑蕪沒林長山蔽虧芳筵羅玉俎激水
漾金卮歌聲斷以一作且續舞袖合還離

冬夜酬魏少傅直史館一作酬魏收冬夜直史館

年病從橫至動息不自安兼豆未能飽重裘詎解
寒况乃冬之夜霜氣有餘酸風音響北牖月影度
南端燈光明且滅華燭新復殘衰顏依候改壯志

與時闌體羸不盡帶髮落強扶冠夜景將欲近夕
息故無寬忽有清風贈辭義婉如蘭先言歎三友
次言慙一官麗藻高鄭衛專學美齊韓審論一作喻
雖有屬筆削少能干一作刊高足自無限積風良可
搏空想青門易寧見赤松難寄語東山道高駕且
盤桓

冬日傷志篇

昔時情遊士任性少矜裁朝驅一作馳瑪瑙勒夕街
熊耳杯折花步一作贈淇水撫瑟望叢臺繁華夙昔

改衰病一時來重以三冬月愁雲聚復開天高日
色淺林勁鳥聲哀終風激簷宇餘雪滿條枚遨遊
昔宛洛踟躕今草萊時事方去矣撫已獨傷懷
懷哉

七夕

詩彙作宗
懔者非

盈盈河水側朝朝長歎息不恡漸衰苦波流詎可
測秋期忽云至停梭理容色束衿未解帶迴鑾已
沾軾不見眼中人誰堪機上織願逐青鳥去暫因
希羽翼

齊韋道遜晚春宴

觀題似韋道遜所作文
苑英華作邢邵姑列於

此

日斜賓館晚風輕麥候初簷喧巢幕燕池躍戲蓮
魚石聲隨流響桐影傍巖踈誰能千里外獨寄八
行書

應詔甘露詩

膏露且漸洽凝液汨於旗草木盡霑被玉散復珠
霏誰謂穹昊遠道合若應機

賀老人星詩

瑞動星光照化穆月輪重庶徵符祉錄將以贊時

雍

魏收

字伯起鉅鹿下曲陽人仕魏典起居注兼中書舍人與温子昇邢子才齊名世號三才天保初除中書令兼著作郎後除光祿大夫尚書右僕射特進謚文貞收有才無行在京洛輕薄尤甚人號為驚蛺蝶

美女篇二首

以下樂府

楚襄遊夢去陳思朝洛歸參差結旌旆掩靄頓駮
駢變化看臺曲駭散屬川沂仍令賦神女俄聞要
處妃照梁何足艷昇霞反奮飛可言不可見言是

復言非

我帝更朝衣擅寵無論賤入愛不嫌

微智瓊非俗物羅敷本自稀居然陋西子定可比
南威新吳何為誤舊鄭果難依甘言誠易污得失
定因機無憎藥英妬心賞易侵違

春風永世樂

綺窻斜影入上客酒須添翠羽方開美鉛華汗不
霑關門今可下落珥不相嫌

權歌行

雪溜添春浦花水足新流桃發武陵岸柳拂武昌樓

挾琴歌

春風宛轉入曲房兼送小苑百花香白馬金鞍去未返紅妝玉筍下成行

後園宴樂

以下詩

東馬輕燕外獵雉陋秦中朝車轉夜轂仁旗指旦風式宴臨平圃展衛寫屠穹積崖疑造化導水逼神功樹靜歸煙合簾踈反照通一逢堯舜日未假

北山叢

喜雨

霞暉染刻棟礎潤上雕楹神山千葉照仙草百花榮瀉溜高齋響添池曲岸平滴下如珠落波迴類璧成氣調登萬里年和欣百靈定知丹甌出何須銅雀鳴

看柳上鵲

背歲心能識登春巢自成立枯隨雨霽依枝須月明疑是彫籠出當由抵玉驚間關拂條軟迴復振

詩經 卷之一
毛輕何獨離婁意傍人但未聽

晦日汎舟應詔

裊裊春枝弱關關新鳥呼
棹唱忽透迤菱歌時顧
慕睿賞芳月色宴言忘
日暮游豫慰人心照臨康
國步

月下秋宴

此夕甘言宴月照露方塗
使星疑向蜀劍氣不關
吳良交契金水上客慰萱
蘇何必應劉輩還來遊
鄴都

五日

麥涼殊未畢蜩鳴早欲聞
喧林尚黃鳥浮天已白
雲辟兵書鬼字神印題靈
文因想蒼梧郡茲日祀
東君

庭栢

古松圖偃蓋新栢寫鑪峰
凌寒翠不奪迎暄綠更
濃茹葉輕沈體咀實化衰
容將使中臺麝違山能
見從

蜡節

詩紀 卷之一
凝寒迫清祀有酒宴嘉平宿心何所道藉此慰中情

祖珽

字孝徵瑩之子神清機警詞藻適逸少馳令譽為當世所推起家秘書郎後主時侯

於陸媪拜尚書左僕射封燕國公專主機衡後以罪出為北徐州刺史

從北征

翠旗臨塞道靈鼓出桑乾祁山歛雰霧瀚海息波
瀾戍亭秋雨急關門朔氣寒方繫單于頸歌舞入
長安

望海

登高臨巨壑不知千萬里雲島相接連風潮無極
已時看遠鴻度乍見驚鷗起無待一作不假送將歸自
然傷客子

挽歌

昔日

一作時

驅駟馬謁帝長楊宮旌懸白雲外騎獵

紅塵中今來向漳浦素蓋轉悲風榮華與歌笑萬
事盡成空

裴讓之

字士禮河東聞喜人少好學有文情魏天平中舉秀才遷主客郎歷中書舍人

散騎常侍及齊受禪封宜都縣男尋除清和太守後被罪賜死

詩紀

卷之一 北齊

七

有所思

夢中雖覩見及覺始知非展轉不能寐徒倚獨披
衣悽悽曉風急晻晻月光微室空常達旦所思終
不歸

從北征

沙漠胡塵起關山烽燧驚皇威奮武畧上將總神
兵高臺朔風駛絕野寒雲生匈奴定遠近壯士欲
橫行

公館讌酬南使徐陵

嵩山表京邑鍾嶺對江津方域殊風壤分野各星
辰出境君圖事尋盟我恤鄰有才稱竹箭無用黍
絲綸列樂歌鐘響張旃玉帛陳皇華徒受命延譽
本無因韓宣將聘楚申胥欲去秦方期一作當飲河
朔翻屬卧漳濱禮酒盈三獻賓筵盛八珍歲稔鳴
銅雀兵戢坐金人雲來朝起蓋日落晚摧輪異國
猶兄弟相知無舊新

裴訥之

字士言讓之弟純謹有局量弱冠為平
原公掌書記文宣朝累官至太子舍人

鄴館公讌

英華作奉
使至鄴館

晉楚敦盟好僑札同心賞禮成樽俎陳樂和金石
響朝雲駕馬進曉日乘龍上雙闕表皇居三臺映
仙掌當階篁篠密約岸荷蕖長束帶盡欣娛誰言
鶩歸兩

蕭祇

字敬式梁南平王偉之次子封定襄侯侯
景亂起兵內援會州人以城應景遂奔東
魏歷位太子少傅齊天保初
授右光祿大夫國子祭酒

香茅

鶉鴉方不歇霜繁綠更滋擢本同三脊流芳有四
時粗根縮酒易結解舞蠶遲終當入楚貢豈羨詠

陳詩

和迴文詩

和湘東
王後園

危臺出岫迴曲澗上橋斜池蓮隱弱芰徑篠落藤
花

蕭放

字希逸祇之子襲父爵為清河郡公武平
中待詔文林館性好文詠頗善丹青見知
齊後主累遷太子
中庶子散騎常侍

冬夜詠妓

佳麗盡時年合暝不成眠銀龍銜燭燼金鳳起鑪
煙吹篴先弄曲調箏更撮絃歌還團扇後舞出妓

言終
卷之一
行前絕代終難及誰復數神仙

詠竹

懷風枝轉弱防露影逾濃既來丹穴鳳還作葛陂龍

劉逖

戮

字子長彭城人齊文襄以爲永安公參軍武成時遷散騎常侍未幾與崔季舒等同

對雨

重輪宵犯畢行雨旦浮空細落疑含霧斜飛覺帶風濕槐仍足綠沾桃更上紅無由似玄豹縱意坐

山中

秋朝野望

駐車憑險岸飛蓋歷平湖菊寒花稍發蓮秋葉漸枯向浦低行鴈排空轉噪鳥若將君共賞何處減城隅

浴温湯泉

聲偶作劉邈詩非也

驪岫猶懷土新豐尚有家神井堪消瘵温泉足蕩邪紫苔生石岸黃沫擁金沙振衣殊未已翻能使車

清歌發

扇中通曼臉曲裏奏陽春久應迷座客何啻起梁塵

馬元熙

字長明河間人敬德之子少傳父業兼長文藻以通直待詔文林館武平中授皇太子孝經在內甚得名譽隋開皇中終於秦王文學

日晚彈琴

上客敞前扉鳴琴對晚暉掩抑歌張女淒清奏楚妃稍視紅塵落漸覺白雲飛新聲獨見賞莫恨知音稀

盧詢祖

范陽涿人有術學文辭華美詢祖與宗人思道俱為北州人俊魏收揚譽思道而以詢祖為不及邢子廣曰詢祖有規檢禰衡思道無冰稜文舉後頗折節歷太子舍人司徒記室卒

趙郡王配鄭氏挽詞

北史趙郡王睿齊神武從子也娶鄭述祖女為妃

君王盛海內伉儷盡寰中女儀掩鄭國嬪容映趙宮春艷桃花水秋度桂枝風遂使叢臺夜明月滿

牀空

盧詢

名見顏氏家訓曰范陽盧詢疑即盧詢祖也樂府作陳人

中婦織流黃

別人心已怨愁空日復斜
然香望韓壽磨鏡待秦
嘉殘絲愁績爛餘織恐
縑賒支機一片石緩轉獨
輪車下簾還憶月挑燈更
惜花似天河上景春時

織女家

高昂

字敖曹北海蓆人膽力過人姿采殊異少
不師訓專事馳騁齊神武起昂傾意附之
因成霸業除侍中司徒兼西南道都督而敖
曹酷好為詩雅有情致時人稱焉○見太平

廣記

征行詩

壠種千口牛泉連百壺
洒朝朝圍山獵夜夜迎新
婦

從軍與相州刺史孫騰行路難

春甲長驅不可息六日六夜三度食初時
言作
虎牢更被處置河橋北迴首絕望便蕭條
悲來雪
涕還自抑

贈弟季式

季式為濟州刺史敖
曹發驛以勸酒乃贈

憐君停欲死天上人間無可比
走馬海邊射遊鹿

詩集 卷之一
偏坐石上彈鳴雉昔時方伯願三公今日司徒羨

刺史

鄭公超

後主時為奉朝請待詔文林館與祖珽等同撰御覽

送庾羽騎抱

舊宅青山遠歸路白雲深
遲暮難為別搖落更傷心
空城落日影迥地浮雲陰
送君自有淚不假聽

猿吟

楊訓

後主時為通直散騎侍郎待詔文林館同修御覽

羣公高宴

中郎敷奏罷司隸坐朝歸開筵引貴客饌玉對春
暉塵起金吾騎香逐令君衣綠酒犀為梳鳴琴寶
作徽寸陰良可惜千金本易揮

袁奭

字元明陳郡人梁司空昂之孫蕭莊時以侍中奉貢至齊及莊敗除琅琊王儼大將

軍諮議入文林館遷大中大夫

從駕遊山

天遊響仙蹕春望動神衷澗水含初溜山花發早

叢玉輿明淑景珠旗轉瑞風平原與上路一作佳

氣遠葱蔥

詩已

卷之一 北齊

三

荀仲舉

字士高潁川人家世江南仕梁為南沙令後至北齊入文林館以年老家貧出

為義寧太守○樂府玉臺俱作陳人

銅雀臺

高臺秋色晚直望已悽然況復歸風便松聲入斷

絃淚逐梁塵下心隨團扇捐誰堪三五夜空對月

光圓

蕭愨

字仁祖蘭陵人梁宗室上黃侯曄之子天保中入齊武定中為太子洗馬後主時為

齊州錄事參軍待詔文林館後入隋

臨高臺

崇臺高百尺迥出望仙宮畫棋浮朝

一作雲

氣飛梁

照晚虹小衫飄霧縠艷粉拂輕紅笙吹汶陽篠琴

奏嶧山桐舞逐飛龍引花隨少女風臨春今若此

極宴豈無窮

上之回

拾遺題云巡省

發軔城西時回輿事北遊山寒石道凍葉下故宮

秋朔路傳清警邊風卷畫旒歲餘巡省畢擁仗一作

按節返皇州

飛龍引

河曲銜圖出江上負舟歸欲因作雨去還逐景雲
飛引商吹細管下徵泛長徽持此淒清引春夜舞
羅衣

奉和濟黃河應教

樂府題云
濟黃河

大蕃連帝室驂駕奉皇猷未明驅羽騎凌晨方畫
舟津城度維錦岸柳夾緹油鐘一作鏡聲颺別島旗
影照蒼流早光生劍服朝風起節樓滔滔細波動
喬喬輕舫浮迴橈避近磧放舳下前洲全疑上天
漢不異謁蓬丘望知雲氣合聽識水聲秋從君何

等樂喜從神仙遊

和崔侍中從駕經山寺

鈞陳夜警徼河漢曉參

一作縱

橫遊騎騰文馬前驅

轉翠旌野禽喧曙色山樹動秋聲雲表金輪見巖
端畫拱明塔疑從地涌蓋似積香成泉高下溜急
松古上枝平儀台多北思麗藻蔚緣情自嗤非照

廡

一作乘

何以繼連城

奉和悲秋應令

英華作
王胄

秋天擬文學秋水擅莊蒙草濕蒹葭露波卷洞庭

詩經 卷之一
風便坐翻桑葉長坂歇蘭蓂簷喧猶有燕陂靜未
來鴻蟬噪聞疑斷池清映似空劉安悲落木曹植
歎征蓬重明豈凝滯無累在淵冲隨時四序合應
物五情同發言形惻隱睿作挺神功下材均朽木
何以慕彫蟲

屏風

秦皇臨碣石漢帝幸明庭非關重遊豫直是愛長
齡讀記知州所觀圖見岳形曉識仙人氣夜辨少
微星服銀有秘術蒸丹傳舊經風搖百影樹花落
萬春亭飛流近更白叢竹遠彌青逍遙保清暢因
持悅性情

奉和元日

帝宮通夕燎天門拂曙開瑞雲生寶鼎榮光上露
臺華山不凋葉宜城萬壽杯遙見飛鳧下懸知葉
縣聲偶來作令

奉和初秋西園應教

池亭三伏後林館九秋前清泠間泉石散漫雜風
煙藻開千葉影榴艷百枝然約嶺停飛旆凌波動

言
卷之一
畫船

奉和冬至應教

天宮初動磬緹室已飛灰暮風吹竹起陽雲覆石
來拆冰開荔色除雪出蘭栽慙無宋玉辨濫吹楚
王臺

奉和望山應教

仙遊本多趣復此上秋初巖低石倒險嶺高松更
踈峯形疑鳥翅塞路似狼居矚望情無已詞殫意
有餘

奉和詠龍門桃花

舊聞開露井今見植龍門樹少知非塞花高異少
源論時應未發故欲影歸軒祗言經摘罷猶勝逐
風翻

春庭晚望

春庭聊縱望樓臺自相隱窻梅落晚花池竹開初
筍泉鳴知水急雲來覺山近不愁花不飛到畏花
飛盡

秋思

顏氏家訓曰蘭陵蕭愨工於篇什嘗有秋思詩云芙蓉露下落楊柳月中踈時人未之賞也吾愛其蕭散宛然在目類川荀仲舉瑯琊諸葛漢亦以爲爾而盧思道之徒雅所不愜

清波收潦日華林鳴籟初芙蓉露下落楊柳月中踈燕幃細綺被趙帶流黃裾相思阻音息玉臺作信結

聽琴

洞門涼氣滿閒館夕陰生絃隨流水急調雜秋風清掩抑朝飛弄淒斷夜啼聲至人齊物我持此悅

高情

和司徒鎧曹陽辟疆秋晚辟疆休之子

葉踈知樹落香盡覺荷衰山藪良多思田園聊復歸

春日曲水雜言○初學記作春賦

落花無限數飛鳥排花度禁苑至饒風吹花春滿路巖前片石迥如樓水裏連沙聚作洲二月鶯聲纔欲斷三月春風已復流分流繞小渡塹水還相注山頭望水雲水底看山樹舞餘香尚存歌盡聲

猶任麥壟一驚暈菱潭兩飛鷺復驚暈傾曦
帶掩扉芳飈翼還憶藻露挹行衣

蕭轂

樂府英華並作蕭轂苑詩類選作蕭慙

野田黃雀行

弱軀媿

一作慙

彩飾輕毛非錦文不知鴻鵠志非是

鳳凰羣作風隨濁

一作濯

雨入曲應玄雲空城舊侶

絕滄海故交分寧死明珠彈且避鷹將軍

陽休之

字子烈北平無終人固之子初仕魏累官給事黃門侍郎入齊遷吏部尚書左

僕射周武平齊隨駕赴長安歷納言太子少保上開府除和州刺史隋開皇二年罷任終

於洛陽

春日

遲遲暮春日靄靄春光上柔露洗金盤輕絲綴珠
網漸看階蔭蔓稍覺池蓮長蝴蝶映花飛楚雀綠
條響

詠萱草

開跼幽澗底散彩曲堂垂優柔清露濕微穆惠風
吹朝朝含麗景夜夜對華池
正月七日登高侍宴

廣殿麗年輝上林起春色風生拂彫輦雲迴浮綺

翼

秋詩

日照前窓竹露濕後園薇夜蛩扶砌響輕蛾遶竹

飛

顏之推

字介琅邪臨沂人初爲梁湘東王常侍元帝卽位以爲散騎侍郎後爲周軍所

破奔齊累官黃門侍郎平原太守齊亡入周爲御史上士隋開皇中太子召爲文學以疾

終

神仙

紅顏恃容色青春矜盛年自言曉書劍不得學神
仙風雲落時後歲月度人前鏡中不相識捫心徒
自憐願得金樓要思逢玉鈐篇九龍遊弱水八鳳
出飛煙朝遊采瓊實夕宴酌膏泉崢嶸下無地列
缺上陵天舉世聊一息中州安足旋

古意二首

十五好詩書二十彈冠仕楚王賜顏色出入章華
裏作賦凌屈原讀書誇左史數從明月讌或侍朝
雲祀登山摘紫芝泛江採綠芷歌舞未終曲風塵

暗天起吳師破九龍秦兵割千里狐兔穴宗廟霜
露沾朝市璧入邯鄲宮劍去襄城水未獲殉陵墓
獨生良足耻憫憫思舊都惻惻懷君子白髮闕明
鏡憂傷沒余齒

寶珠出東國美玉產南荆隋侯曜我色卞氏飛吾
聲已加明稱物復飾夜光名驪龍旦夕駭白虹朝
暮生華彩燭兼乘價值詎連城常悲黃雀起每畏
靈蛟迎千刃安可捨一毀難復營昔爲時所重今
爲時所輕願與濁泥會思將垢石并歸真川岳下

抱潤潛其榮

從周入齊夜度砥柱

梁詞人麗句作惠慕
道士詩題云犯虜將

逃

北史本傳曰荊州爲周軍所破大將軍
李穆送之推往弘農令掌其兄陽平公
遠書翰遇河水暴長具船將妻子
奔齊經砥柱之險時人稱其勇決

俠客重艱辛夜出小平津馬色迷關吏雞鳴起戍
人露鮮華劍彩月照寶刀新問我將何去北海就
孫賓

和陽納言聽鳴蟬篇

隋盧思
道同賦

言絲
卷之一
聽秋蟬秋蟬非一處細柳高飛夕長楊明月曙歷
亂起秋聲參差攪人慮單吟如轉簫羣噪學調笙
風飄流曼響多含斷絕聲垂陰自有樂飲露獨爲
清短綏何足貴薄羽不羞輕蟾蜍翳下偏難見翡
翠竿頭絕易驚容止由來桂林苑無事淹留南斗
城城中帝皇里金張及許史權勢熱如湯意氣誼
城市劍影奔星落馬色浮雲起鼎俎陳龍鳳金石
諧宮徵關中滿季心關西饒孔子詎用虞公立國
臣誰愛韓王遊說士
紅顏宿昔同春花素鬢俄

頃變秋草中腸自有極那堪教作轉輪車

此篇見初學記

紅顏以下脫誤俟再考

趙儒宗

詠龜詩

有靈堪託夢無心解自謀不能著下伏強從蓮上
遊負圖非所冀支牀空見留儻蒙一曳尾當爲屢

回頭

陸法和

不知何許人隱於江陵百里洲妙解神術預見萌兆再爲元帝破賊帝以法和

爲都督郢州刺史封江乘縣公元帝敗入齊文宣以爲大都督荊州刺史湘郡公無病而

詩已

卷之一 北齊

三

讖詩二首

北史本傳曰法和書其所居屋壁而塗之及剝落有文二首

十年天子為尚可百日天子急如火周年天子迭

代坐

隋書五行志曰時文宣帝享國十年而崩廢帝嗣立百餘日用替厥位孝昭即位一年而

崩此其效也

一母生三天兩天共五年

婁太后生三天子自孝昭即位至武成傳位後

主共五年

馮淑妃

名小憐齊後主大穆后從婢也穆后愛衰以五月五日進之號曰續命慧黠工

詩

歌舞後主惑之立為左皇后周師取平後主以淑妃奔洪洞戍復奔青州為周武所獲以

賜代王達達甚嬖之

郊廟感琵琶絃

淑妃侍代王達彈琵琶因絃斷作詩曰

雖蒙今日寵猶憶昔時憐欲知心斷絕應看膝上

絃

盧士深妻崔氏

饋面辭

虞世南史畧曰北齊盧士深妻崔林義之女有才學春日以桃花饋兒面呪曰

肇應靈序奄宇黎民乃朝萬國爰徵百神祇展方

望幽顯咸臻禮崇聲協贊列珪陳翼差鱗次端拱

隋書作笏 垂紳來趨動色式贊天人

高明樂 迎神奏登 歌辭同

惟神鑒矣 北郊云惟 祇監矣 皇靈肅止圓璧展事 北郊云 方琮展

事 成文即始 北郊云即 陰成理 士備八能樂合六變 北郊 云樂

合八 變 風湊伊雅光華襲薦宸衛騰景靈駕霏煙嚴

壇生白綺席凝玄

昭夏樂 牲出 入奏

剛柔設位惟皇配之言肅其禮念暢在茲飭牲舉

獸載歌且舞既設伊膺致精靈府物色惟典齋沐

加恭宗族咸暨罔不率從

昭夏樂 薦毛 血奏

展禮上月肅事應時繭栗為用交暢有期弓矢斯

發甕簎將事圓神致祀 北郊云方 祇致祀 率由先志和以

鑾刀臭以血膋至哉敬矣厥義孔高

皇夏樂 進熟皇帝 入門奏

帝敬昭宣皇誠肅致玉帛齊軌屏攝咸次三垓上

列北郊云重四陞旁升北郊云分龍陳萬騎鳳動

千乘神儀天藹晬容離曜金根停軫奉光先導

皇夏樂皇帝升丘奏壇上登歌辭同

紫壇雲曖北郊云層紺幄霞褰北郊云嚴我其陟

止載致其虔百靈竦聽萬國咸仰人神咫尺玄應

彤鬻

高明樂皇帝初獻奏

上下眷旁午從爵以質獻以恭咸斯暢樂唯雍孝

敬闡臨萬邦

高明樂皇帝奠爵訖奏高明樂覆燾之舞

自天子之會昌神道丘陵肅事北郊云方克光天

保九關洞開百靈環列八尊呈備五聲投節

武德樂皇帝獻太祖配饗神座奏武德之樂昭烈之舞

配神登聖主極尊靈敬宣昭燭咸達宵冥禮弘化

定樂贊功成穰穰介福下被羣生

皇夏樂飲福酒奏

皇心緬且感吉蠲奉至誠赫哉光盛德乾坤照百

靈報福歸昌運承祐播休明風雲馳九域龍蛟躍

四溟浮幕呈光氣儷象燭華精濩武方知耻韶夏
僅同聲

高明樂 送神降丘
南陛奏

獻享畢懸佾周神之駕將上遊 北郊云
將下遊 超斗極絕

河流 北郊云超荒
極憇昆丘 懷萬國寧九州欣帝道心顧留

帀上下荷皇休

昭夏樂 紫壇既
燎奏

玄黃覆載元首照臨合德致禮有契其心敬申事

闋絜誠共報玉帛載升 北郊云牲
玉載陳 棫樸斯燎寥廓

幽曖播以馨香皇靈惟監降福無疆

皇夏樂 皇帝還
便殿奏

天大親嚴匪敬伊孝永言肆饗宸明增耀陽丘既

暢 北郊云陰
澤云暢 大典逾光乃安斯息欽若舊章天廻

地旋鳴鑿引警且萬且億皇曆惟永

五郊樂歌五首

隋書樂志曰齊五郊迎氣降神並奏高明
樂又曰禮五方上帝並奏高明之樂為覆

燾之
舞

青帝高明樂

言終 卷之二
歲云獻谷風歸斗東指雁北飛電鞭激雷車遽虹
旌靡青龍馭和氣洽具物滋翻降止應帝期

赤帝高明樂

嫫女司旦仲呂宣朱精御節離景延根芟俊茂温
風發柘火風水應炎月執衡長物德孔昭赤旂電

隋書
作霞

曳會今朝

黃帝高明樂

居中帀五運乘衡畢四時含養滋羣物協德固皇
基擘緩契王風持載符君德良辰動靈駕承祀昌

邦國

白帝高明樂

風涼露降馳景颺寒精山川搖落平秩在西成盖
藏成積烝民被嘉祉從享來儀鴻休溢千祝

黑帝高明樂

虹藏雉化告寒冰壯地坼年殫日次月紀方極九
川萬邦獻力叶光是紀歲窮微陽潛兆方融天子
赫赫明聖享神降福惟敬

祀五帝於明堂樂歌十一首

言紀 卷之二
肆夏樂

先一日夕牲
羣臣入門奏

國陽崇祀嚴恭

隋書
作載

有聞荒華胥暨樂我大君冕

瑞有列禽帛載敘羣后師師威儀容與執禮辨物
司樂考章率由靡墜休有烈光

高明樂

太祝令迎神奏
高明樂覆燾舞

祖德光國圖昌祇上帝禮四方闢紫宮動華闕龍
虎奮風雲發飛朱雀從玄武携日月帶雷雨耀宇
內溢區中眷帝道感皇風帝道康皇風扇粲盛列
椒醕薦神且寧會五精歸福祿幸閭亭

武德樂

太祖配饗奏武
德樂昭烈舞

我惟我祖自天之命道被歸仁時屯啟聖運鍾千
祀授手萬姓夷躬掩雷匡積翼正載經載營庶士
咸寧九功以洽七德兼盈丹書入告玄玉來呈露
甘泉白雲郁河清聲教咸往舟車畢會仁加有形
化浹無外嚴親惟重陟配惟大既祐斯歌率土攸
賴

昭夏樂

牲出
入奏

孝享不匱精潔臨年滌牢委溢形色博牲於以用

之言承歆祀肅肅威儀敢不敬止載飭載省惟牛
惟羊明神有察保茲萬方

昭夏樂

蒙毛血奏

我將宗祀夤獻厥誠鞠躬如在側聽無聲薦色斯
純呈氣斯臭有滌有濯惟神其祐五方來格一人
多祉明德惟馨於穆不已

皇夏樂

皇帝入門奏皇帝升壇奏皇夏辭同

象乾上構儀坤下基集靈崇祖永言孝思室陳簋
豆庭羅懸佾夙夜畏威保茲貞吉舞貴其夜歌重

其升降斯百祿惟饗惟應

高明樂

皇帝初獻奏高明樂覆燾舞

度几筵闢牖戶禮上帝感皇祖酌惟潔滌以清薦
心欵達神明

高明樂

皇帝裸獻奏高明樂覆燾舞

帝精來降應我明德禮殫義展流祉邦國既受多
祉實資孝敬祀謁其誠荷天休命

皇夏樂

飲福酒奏

恭祀洽盛禮宣英猷爛層景廣澤同深泉上靈鍾

百福羣神歸萬年月軌咸梯岫日域盡浮川瑞鳥
飛玄扈潛鱗躍翠漣皇家膺寶曆兩地復參天

高明樂

太祝送神奏高明樂覆燾舞

青陽奏發朱明歌西皓唱玄冥大禮罄廣樂成神
心懌將遠征飾龍駕矯鳳旒指闐闔憇層城出温
谷邁炎庭跨西汜過北溟忽萬億耀光精比電驚
與雷行嗟皇道懷萬靈固王業震天聲

皇夏樂

帝還便殿

文物備矣聲明有章登薦惟肅禮邈前王邕齊云

終折旋告罄穆穆旒冕蘊誠畢敬屯衛按部鑾蹕
廻途暫留紫殿將及清都

享廟樂辭十八首

肆夏樂

先一日夕牲羣臣入門奏

霜淒雨暢烝哉帝心有敬其祀肅事惟歆昭昭車
服濟濟衣簪鞠躬貢耐磬折奉琛差以五列和以
八音式祗王度如玉如金

高明登歌樂

迎神

日卜惟吉辰擇其良奕奕清廟黼黻周張大呂爲

言終
卷之二
角應鍾爲羽路鼓陰竹德歌昭舞祀事孔明百神
允穆神心乃顧保茲介福

昭夏樂

牲出入奏

大祀云事獻奠有儀既歌既展贊顧迎犧執從伊
竦芻飾惟慄俟用於庭將升於室且握且辭以致
其誠惠我貽頌降祉千齡

昭夏樂

薦毛血奏

緬彼遐慨悠然永思留連七享纏綿四時神升魄
沈靡聞靡見陰陽載俟臭聲兼薦祖考其鑒言萃

王休降神敷錫百福是由

皇夏樂

進熟皇帝入門

齋居嚴殿夙駕層闈車輅垂彩旒袞騰輝聳誠載
仰翹心有慕洞洞自形斤斤表步闕宮有邃神道
依稀孝心緬邈爰屬爰依

登歌樂

太祝裸地奏

太室宥宥神居宿設鬱鬯惟芬珪璋惟潔彝尊應
時龍蒲代用藉茅無咎福祿攸降端感會事儼思
修禮齊齊勿勿俄俄濟濟

登歌樂

皇帝升殿殿上作

我祠我祖永惟厥先
 炎農肇聖靈祉蟬聯
 霸圖中造帝業方宣
 道昌基構撫運承天
 奄家六合爰光八埏
 尊神致禮孝思惟纏
 寒來暑反惕薦在年
 匪敬伊慕備物不愆
 設簋設業靴鼓填填
 辟公在位有容伊虔
 登歌啟佾下管應懸
 厥容無爽幽明肅然
 誠而厚地和達穹玄
 既調風雨載協山川
 周庭有列湯孫永延
 教聲惟被邁後光前

始基樂恢祚舞

皇帝初獻六世祖司空公神室奏

克明克俊祖武惟昌
 業弘營土聲被海方
 有流厥德終耀其光
 明神幽贊景祚攸長

始基樂恢祚舞

五世祖吏部尚書室

顯允盛德隆我前構
 瑤源彌瀉瓊根愈秀
 誕惟有族丕緒克茂
 大業崇新洪基增舊

始基樂恢祚舞

高祖秦州刺史室

祖德丕顯明詰知幾
 豹變東國鵲起西歸
 禮申官次命改朝衣
 敬思孝享多福無違

始基樂恢祚舞

曾祖太尉武貞公室

言紀 卷之二
兆靈有業潛德無聲韜光戢耀貫幽洞冥道弘舒
卷施博藏行緬追歲事夜遽不寧

始基樂恢祚舞

祖文皇帝室

皇皇祖德穆穆其風語嘿自已明獻在躬荷天之
錫聖表克隆高山作矣寶祚其崇離光旦旦載煥
載融感薦惟永神保無窮

武德樂昭烈舞

高祖神武皇帝室

天造草昧時難糾紛孰拯斯溺靡救其焚大人利
見緯武經文顧指維極吐吸風雲開天闢地峻岳

夷海冥工掩迹上德不宰神心有應龍化無待義
征九服仁兵告凱上平下成靡或不寧匪王伊帝
偶極崇靈享親則孝潔祀惟誠禮備樂序肅贊神
明

文德樂宣政舞

文襄皇帝室

聖武丕基獻文顯統眇哉神啟鬱矣天縱道則人
弘德云邁種昭冥咸敘崇深畢綜自中徂外經朝
庇野政反淪風威還闕雅旁作穆穆格於上下維
享維宗來鑒來假

言系 卷之二
文正樂光大舞

顯祖文宣
皇帝室

玄曆已謝蒼靈告期圖璽有屬揖讓惟時龍升獸
變弘我帝基對揚穹昊實啟雍熙欽若皇猷永懷
王度欣賞斯穆威刑允措軌物俱宣憲章咸布俗
無邪指下歸正路茫茫九域振以乾綱混通華裔
配括天壤作禮視德列樂傳響薦祀惟虔衣冠載
仰

皇夏樂

飲福
酒奏

孝心翼翼率禮兢兢時洗時薦或降或升在堂在

戶載湛載凝多品斯奠備物攸膺蘭芬敬挹玉俎
恭承受祭之祐如彼岡陵

高明樂

送神
奏

仰棖楨慕衣冠禮云罄祀將闌神之駕紛奕奕乘
白雲無不適窮昭域極幽塗歸帝社眷皇都

皇夏

皇帝請
便殿奏

禮行斯畢樂奏以終受嘏先退載暢其衷鑿軒循
轍麾旌復路光景徘徊絃歌顧慕靈之相矣有錫
無疆國圖日競

隋書
作鏡

家曆天長

燕射歌辭

元會大饗歌二十一首

隋書樂志曰北齊元會大饗協律不得
并陞黃門舉麾於殿上今列其歌辭云

肆夏

賓入門
四廂奏

昊蒼眷命興王統天業高帝始道邈皇先禮成化
穆樂合風宣賓朝荒夏對揚穹玄

皇夏

皇帝
出閣

夏正肇旦周物克庭具僚在位俛伏無聲大君穆
穆宸儀動睟日煦天迴萬靈胥萃

皇夏

皇帝當展
羣臣奏

天子南面乾覆離明三千咸列萬國填并猶從禹
會如次湯庭奉茲一德上下和平

皇夏

皇帝入宁變服黃
鍾太簇二廂奏

我應天曆四海為家協同內外混一戎華鶴蓋龍
馬風乘雲車夏章夷服其會如麻九賓有儀八音
有節肅肅於位飲和在列四序氤氳三光昭晰君
哉大矣軒唐比轍

皇夏

帝出升御座
姑洗廂奏

皇運應籙廓定區寓受終以文構業以武堯昔命
舜舜亦命禹大人馭歷重規沓矩欽明在上昭納
八寅從靈體極誕聖窮神化生羣品陶育烝人展
禮肆樂協此元春

肆夏

王公
奠璧

萬方咸暨三揖以申垂旒馮玉五瑞交陳拜稽有
章升降有節聖皇負辰虞唐比烈

上壽曲

上壽黃
鍾相奏

仰三光奏萬壽人皇御六氣天地同長久

登歌三曲

皇太子入至坐位
酒至御殿上奏

大齊統曆道化光明馬圖呈寶龜籙告靈百蠻非
衆八荒非逃同作堯人俱包禹迹

天覆地載成以四時惟皇是則比大於茲羣星拱
極衆川赴海萬寓駿奔一朝咸在
齊之以禮相趨帝庭應規蹈矩玉色金聲動之以
樂和風四布龍申鳳舞鸞歌麟步

食舉樂十曲

食至御
前奏

三端正啟萬方觀禮具物克庭二儀合體百華照

言終
卷之二
四
曉千門洞晨或華或喬奉贄惟新悠悠亘六合圓
首莫不臣仰施如雨晞和猶春風化表笙鏞歌謳
被琴瑟誰言文軌異今朝混爲一

彤庭爛景丹陛流光懷黃綰白鵠鷺成行文贊百
揆武鎮四方折衝鼓雷電獻替協陰陽大矣哉道
邁上皇陋五帝狹三皇窮禮物該樂章序冠帶垂
衣裳

天壤和國家穆悠悠萬類咸孕育契冥化侔大造
靈效玆神歸寶興雲氣飛龍蒼麟一角鳳五光朱

雀降黃玉表九尾馴三足擾化之定至矣哉瑞感
德四方來

囹圄空水火菽粟求賢振滯棄珠玉衣不靡宮以
卑當陽端嘿垂拱無爲云云萬有其樂不訾

嗟此舉時逢至道肖形咸自持賦命無傷天行氣
進皇輿遊龍服帝阜聖主寧區宇乾坤永相保

牧野征鳴條戰大齊家萬國拱揖應終禪奧主廓
清都大君臨赤縣高居深視當辰正殿旦暮之期
今一見

兩儀分牧以君陶有象化無垠大齊德邈誰羣超
鳳火冠龍雲露以潔風以薰榮光至氣氤氳
神化遠人靈協寒暑調風雨燮披泥檢受圖謀圖
謀啟期運昌分四序綴三光延寶祚眇無疆
惟皇道升平日河水清海不溢雲干呂風入律驅
黔首入仁壽與天高並地厚

刑以厝頌聲揚皇情邈眷汾襄岱山高配林壯亭
亭聳云云望旆葦蕤駕駸駸刊金闕奠玉龜

皇夏

皇帝入
鐘鼓奏

禮終三爵樂奏九成允也天子穹壤和平載色載
笑反寢晏息一人有祉百神奉職

舞曲歌辭

文武舞歌四首

隋書樂志曰北齊元會大饗奏文武二舞二舞將作並先設階步焉

文舞階步辭

我后降德肇峻皇基搖鈴大號振鐸命期雲行雨
洽天臨地持茫茫區宇萬代一時文來武肅成定
於茲象容則舞歌德言詩鏘鏘金石列列匏絲鳳

儀龍至樂我雍熙

文舞辭

皇天有命歸我大齊受茲華玉爰錫玄珪奄家環
海實子蒸黎圖開寶匣檢封芝泥無思不順自東
徂西教南暨朔罔敢或攜比日之明如天之大神
化之洽率土無外眇眇舟車華戎畢會祠我春秋
服我冠帶儀協震象樂均天籟蹈武在庭其容藹
藹

武舞階步辭

大齊統曆天監孔昭金人降汎火鳳來巢眇均虞
德干戚降苗夙隋書作風沙攻主歸我軒朝禮符揖讓
樂契咸韶蹈揚惟序律度時調

武舞辭

天眷橫流宅心玄聖祖功宗德重光襲映我皇恭
已誕膺靈命宇外斯燭域中咸鏡悠悠率土時惟
保定微微動植莫違其性仁豐庶物施洽羣生海
寧洛變契此休明雅宣茂烈頌紀英聲鏗鏗鐘鼓
掩抑簫笙歌之不足舞以禮成鑠矣王度緬邁千

已上樂章詩彙云祖珽作按隋書樂志祖珽上書論樂於文宣之時至武成時始定四郊宗廟三朝之樂而不著作歌之人則非珽作明矣今考北史陸卬等製

雜歌謠辭

無名氏

敕勒歌

樂府廣題曰北齊神武攻周王壁士卒死者十四五神武恚憤疾發周王下令曰高歡鼠子親犯王壁劍弩一發元兇自斃神武聞之勉坐以安士衆悉引

諸貴使斛律金唱敕勒神武自和之其歌本鮮畢語易為齊言故其句長短不齊

敕勒川陰山下天似穹廬籠蓋四野天蒼蒼野茫茫風吹草低見牛羊

鄭公歌

北史曰鄭述祖天保中為兗州刺史有人入市盜布其父執之以歸述祖述祖特原之自是境內無盜先是述祖之父道昭亦常為兗州刺史故百姓歌之

大鄭公小鄭公相去五十載風教尚猶同

邯鄲郭公歌

樂府廣題曰北齊後主高緯雅好傀儡謂之郭公時人戲為郭公歌及將敗果邯鄲高郭聲相近九十九未數也滕口鄧林也大兒謂周帝太祖子也高岡後主姓也雉雞類武成小字也後敗於鄧林盡如歌言蓋語妖也

邯鄲郭公九十九技兩漸盡入滕口大兒緣高岡

雉子東南走不信吾言時當看歲在酉

東昏時百姓歌

當入南齊馮公誤置此

金陵志曰齊東昏侯即臺城閱武堂為芳樂苑山石皆塗以彩色跨池水立紫閣諸樓觀又於苑中立店肆以潘妃為市令又作土山開渠立埭下苑中時百姓歌云

閱武堂種楊柳至尊屠肉潘妃沽酒

東魏鄴都謠

隋書五行志曰魏孝靜帝始移都於鄴時有童謠按孝靜帝清河王之子也后則齊神武之女鄴都宮室未備即逢禪代作窠未成之效也孝靜尋崩文宣以后為太原長公主降於楊愔時神武婁后尚在故言寄書於婦母新婦子斥后也

可憐青雀子飛入鄴城裏作窠猶未成舉頭失鄉

里寄言與婦母好看新婦子

東魏武定中童謠

隋書五行志曰武定中有童謠按高者齊姓也澄文襄名五年神武崩摧折之應七年文襄為盜所害澄滅之徵也

百尺高竿摧折水底然燈澄滅

東魏末童謠

北史齊本紀曰後魏末文宣未受禪時有童謠按藁然兩頭於文為高河邊殺癡為水邊羊指帝名也於是徐之才勸帝受禪

一束藁兩頭然河邊殺癡飛上天

北齊文宣時謠

北史本紀曰文宣時謠按帝以午年生故曰馬子三臺石季龍舊居故曰石室

馬子入石室三千六百日

北齊廢帝時童謠三首

三千六百日十年也文宣在位十年果如謠言

北史曰楊愔齊文宣時尚太原公主位至尚書令驃騎大將軍文宣大漸愔與侍中燕子獻黃門侍郎鄭子默並受遺詔輔政時常山長廣二王位地親逼愔等與尔朱渾天和謀欲裁奪威權由是深相踈忌竝為二王所害先是童謠曰云云羊為愔也角文為用刀道人謂廢帝小名太原公主嘗作尼故曰阿廢姑愔子獻天和皆尚帝姑故曰道人和姑夫云

白羊頭髦秃殺癡頭生角

言終
卷之二
羊羊喫野草不喫野草遠我道不遠打爾腦
阿廢姑禍也道人姑夫死也

白鳧謠

北史曰初孝昭之誅楊愔也謂武成云
事成以汝為皇太帝及踐位乃使武成
在鄴主兵立子百年為皇太子武成不
平欲有異謀先是童謠曰云云時丞相
府在城城中即舊中興寺也鳧翁謂雄
雞蓋指武成小字步落稽也道人濟南
王小名也打鍾言將被擊也後武成用
卜者言不舉兵孝昭尋崩武帝即位

中興寺內白鳧翁四方側聽聲雍雍道人聞之夜
打鍾

北齊太上時童謠

千金買藥園中有芙蓉樹破家不分明蓮子隨它
去

北齊後主武平初童謠

隋書五行志曰武平元年童謠按其年
四月龍東王胡長仁謀遣刺客殺和士
開事露反為士
開所潛而死

狐截尾你欲除我我除你

武平中童謠

隋書五行志曰武平二年童謠小兒唱
訖一時拍手云殺却至七月二十五日

御史中丞琅琊王儼執士開送於南臺而斬之

和士開七月三十日將作向南臺

又

隋書五行志曰是歲又有童謠七月士開被誅九月琅琊王遇害十一月趙彥深出為西州刺史

七月刈禾傷早九月喫餒正好十月洗蕩飯甕十

一月出却趙老

後主時謠二首

北齊後主時任用祖珽陸令萱等朝政日壞周人欲圖之然畏斛律光之武勇

因為謠言聞於齊會光欲去珽等遂以謠言奏帝併續第二首末二句於是誅光周遂滅齊今按百升者斛也明月光字也高山謂齊齊姓高也盲老公謂珽珽先因罪失明也饒舌老母謂令萱令萱本婦人也

百升飛上天明月照長安

高山不摧自崩榭木不扶自舉盲老公背受大斧

饒舌老母不得語 北史亦載此謠云高山崩榭樹舉盲老公背上下大斧多事老

母不得語

武平末童謠

隋書五行志曰武平末有童謠時穆后母子淫辟干預朝政時人患之穆后小

詩已

卷之二 北齊

黃花勢欲落清尊但滿酌

字黃花尋逢齊
亡欲落之應也

北齊末鄴中童謠

隋書五行志曰北齊末鄴中有童謠未
幾齊為周所滅周都關中故云西家也

金作掃帚玉作把淨掃殿屋迎西家

蘇宋歌

北史曰宋世軌齊天保中為大理少卿
執獄寬平多所全濟大理正蘇珍之以
平幹知名時人以
為二絕寺中語曰

決定嫌疑蘇珍之視表見裏宋世軌

裴讓之歌

北史曰河中裴讓之
遷主客郎省中語曰

能賦詩裴讓之

楊休之好學愛文藻時人
為之語曰能賦詩楊休之

陸叉歌

北齊陸叉於五經最精熟
館中謂之石經人語曰

五經無對有陸叉

詩紀卷之一百一十一

終

寺已

卷之二 北齊

黃帝之孫

正德



